

Prestasi memuaskan, tak perlu rombak Kabinet - Dr Mahathir

Astro Awani

6 Mei 2019

Wan Syamsul Amly,

PUTRAJAYA: Tiada rombakan barisan Kabinet akan dilakukan, kata perdana menteri Tun Dr Mahathir Mohamad.

Jelasnya, prestasi anggota Kabinet berada pada tahap memuaskan selain tidak melihat keperluan membuat sebarang rombakan.

"Mereka menunjukkan kemajuan, saya tidak lihat ada sebarang sebab untuk penstrukturan.

"Saya percaya mereka akan jadi bagus sepertimana mereka (anggota Kabinet lain) yang berpengalaman," katanya pada sidang media di pejabatnya di sini, pada Isnin.

Jelas Dr Mahathir lagi, ada kalangan anggota Kabinet yang meminta tunjuk ajar daripadanya dan setakat ini mereka telah menunjukkan perkembangan positif.

Dr Mahathir menjelaskan beliau adalah seorang yang sangat konservatif.

Katanya, tempoh lebih 20 tahun dalam kerajaan menjadikannya seorang yang berpengalaman.

© 2019 Astro Awani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/prestasi-memuaskan-tak-perlu-rombakan-kabinet-dr-mahathir-206999>